

die Junge vo de Alte Stainlemer



Jungi Garde Fasnacht 2015

Sujet:

My Selfie und yych, alles Andere isch mir glyych!



Jetzt ändlig hämmer, das merggsch glyy die vyyl beschwörti Pandemyy!
Nai, es isch nit d Vogelgribbe (die liggt im Maurer uf de Ribbe), und gottseidangg nit d Ebola, die hämmer hoffetlig jetz ghaa; nai, und s hilft kai lamentiere, mer wänn ys SELFIESCH ruiniere.



An jeedem Egge, jeeder Strooss stoot grad ain und stellt sich bloss. Je dümmer s Abbild, wo me hett, desto schnäller ischs im Internet! Und s Gsichtsbuech macht mit däm Verkeer sym Namme blötzig alli Eer. Doch falsch liggsch, hesch du nämmlig dänggt, daas syyg uf Hinz und Kunz beschränggt.



Schiesst im e Match e Gool dr Totti, no schiesst är au grad sälber d Foti! Und uf dr Reis dr Bundesroot zeigt, ass es no vyyl dümmer goot. D Oscar-Fyyr, suschd eher ghoobe, verwandelt sich zum Schnabbschuss-Oobe, eSELFIE gnibbst au dr Obama und das am liebschde im Pyjama!



E SELFIE vo unde, e SELFIE vo oobe, e SELFIE mit Jäpse, e SELFIE mit Schwoobe. Drunter au e SELF-Betrug, s letschde SELFIE vor em Zug. E SELFIE mit em liebe Schatz, e SELFIE mit dr Nachberskatz! All baar Minute, lachsch dy schlaff SELFT sich ein im Netz zum Aff.



Dr Clooney uf em Affefelse macht e SELFIE dängg ‚what else‘? Dr Rotscher uf em Luftseilbäänli SELFT sich sälber nümmer seer äänli, die WM-geili dütschi Nati SELFT sich zünftig uf em Blatz yy. Bref, kai Momänt, die sin nit bache, um nid druss e SELFIE z mache.



S macht nit halt vor Prominänte, vor Hääfelischer und Studänte; und für die momentani Gyyr zaalsch in Zuekunft zimmlig dyyr. Blötzig griesst dä Singsang-Stärn Uf dr ‚Frontpage‘ –gar nit gären – In zwyffelhafter Halbwält-Poose, y glaub daas SELFIE isch in d Hoose.



Uns losst das alles zimmlig kalt, für soo SELFIES sin mir z alt Die löön mir unsre Stamm jetz schiesse, die wänn drum SELFIESCH d Fasnacht gniesse. Mir wänn nur in aller Rueh SELFBewussti Arbet due. Drei wunderschöni Dääg erlääbe und SELFverdräumt dur d Stroosse schwääbe.

D Ladäärnen-Uusstellig uff em Münschterplatz, d Waagen- und Requisiten-Uusstellig uff em Kasäärneplatz sinn vom Määntig znacht bis am Mittwoch demorge.

Drugg: Gremper AG



Die Junge Stainlemer...

...aifach anderscht !

Als Bueb kunnsch nadüürlig zue de **Alte Stainlemer !**

Namme:

Voornamme:

Strooss:

PLZ / Ort:

Delifoon: Joorgang:

Schigg die Aamäldig an Obmaa vo de Junge:
Pascal Mutschler, Malzgasse 20, 4052 Basel oder lütt em doch aifach aa: Delifoon 076 589 17 53
oder schigg en E-Mail an: p.mutschler@stainlemer.ch

oder kumm in unsere Käller go schnuppere
am 28. Februar oder am 7. März 2015
zwüsche zwai und fünfi am Noomidaag
am Aubärg 2b (bi dr Heuwoog)
Cliquekällerbesichtigung und Apéro für alli Eltere
oder mäld dy under: **www.jungi-stainlemer.ch**